


中國
政治史



中國政治史目錄

緒言

第一章 封建政治時代

第一節 漢族之起原

第二節 漢族之初建國

第三節 建國時之社會狀態

第四節 建國時之外敵

第五節 古代之氏族制度

第六節 古代之神權政治

第七節 古代之傳賢

第八節 湯武之革命

第九節 周初之政治與周公

第十節 周之康業團

第十一節 流寇 代之政治

第二章 貴族政治

中國政治史 目錄

一 三

五

六

十

十一

十五

十九

廿六

廿八

四一

第一節 漢唐之貴族政治及其由來

四五

第二節 貴族政治之重要分子

四七

第一款 諸侯

第二款 藩鎮

五十

第三款 外戚

五一

第四款 宦官

五三

第三節 貴族政治時代之社會問題

五五

第一款 土地兼井問題

五六

第二款 佛教西來與貴族政治

五九

第三款 道教發展與貴族政治

六二

第四節 貴族政治時代之任官

六三

第五節 貴族政治之破壞

六五

第一款 外部之破壞

六五

第二款 內部之破壞

六九

第三章 獨裁政治時代

七〇

第一節	獨裁政治發達之原因	七一
第二節	獨裁政治時代之臣僚	七三
第三節	獨裁政治時代之地方行政	八〇
第一款	鄉官制度之破壞	八一
第二款	迴避制度實施中之官吏生活	八三
第三款	迴避制度之發達	八五
第四款	胥吏與吏治	八九
第五款	科舉制度	九二
第六款	幕反	九七
第四節	獨裁政治時代之軍隊	百〇二
第五節	獨裁政治時代之人民	百〇三
第一款	宗族鄉黨之自衛	百〇四
第二款	商業團體之自衛	百〇五
第三款	流寇	百〇七
第六節	獨裁政治之崩潰	

中國政治史 目錄

第一款 政論之鼓吹

第二款 種族之隔閡

第三款 外力之交侵

第四款 清廷假立憲之失敗

四



百十二

百十四

百十五

中國政治史

緒言

陳易園編述

政治史者史之一部也史之爲用在記已往之事實揭其原因結果以垂示來茲使知所以因與矯正也政治史所記者爲人類團體已往之政治活動既爲史之一部自不能越此定義爲故政治史研究而有獲也則已往政治組織之當否政治勢力之衰盛政治影響之善惡舉釐然於世人心目之中鑿夏鑿殷其裨益於後之政治者爲何如乎蓋人類之動作視乎其性人類之氣質視乎其生或因焉或變焉各有所受而其蛻化也以漸厥迹甚微而無不可求而得之矧政治上之所表操者皆犖犖大端謂其原因結果有不能探討者乎因而究之則研究政治史唯一之職責也

顧居吾國今日而言政治史則固有難焉者以有史言（指有文字之史）蓋四五千年矣其演進也其緩其交互也甚雜雖精於觀察者未易爲畫一明確之界線也抑歷代纂述之史籍恒以帝室王家之移轉爲主而紀載方法大都爲賬簿式之編年（皇古以來即取編年之法）重大事蹟沈淪於此中不爲人所加意者不鮮矣故外人恒謂吾國之史宮廷之史而已無所謂政治史也嗚乎特未之求耳求之則轟轟烈烈之政治史照耀簡編矣惟晚近學人喜今厭舊往往昧於政治史之效用而置之不講焉則甚哉其蔽也

試力排上述之難而祛其蔽以研政治史則知吾國政治史上有三大特點存焉茲詳述之吾國政

治之起原爲封建政治貴族政治此非所謂別乎平民政治之階級政治乎顧舉凡最精最美之制度爲今日列國之所稱詡者其精神其氣象無不充滿於其時禮運之所贊官禮之所載不明明詔我乎蓋以封建貴族而提倡平民政治之精神惟我中華之所獨矣彼日本以欽定憲法自負者抑豈有如此燦爛光榮之政治史乎此其特點一自古代以迄最近世政治上之權始終歸於漢族之手中間累受異族之羈輓如元如清其最烈者也以政治上之恒軌言疑其不易振拔矣顧經一次挫折而散落之種子依然開絢爛之花且益以璀璨焉外人謂漢族強於同化力其然乎其不然乎要之挺特之精神則誠我政治史上之難能而可貴者也此其特點二開化之早固無論已政治制度上之良者有爲列國今日所有有仍爲列國今日所無者如英國立憲最先之國也官吏考試制度乃遲至印度發達之後而始確立而吾國則漢唐以來已有之至如御史臺制度則列國至今猶無與之類似者今考試權監察權列在憲法政治上益以恢宏矣此其特點三

凡研究歷史重在時代之區分政治史即亦難越斯例茲編於吾國政治分爲四時代而逐次述之一曰封建政治時代自周以前屬之二曰貴族政治時代由秦漢至五代之末屬之吾國貴族政治自封建政治時代固已並行惟封建滅而貴族之政治勢力猶存故特標一時代以統之三日獨裁政治時代由北宋清末屬之書族獨裁兩時代漢族時受他族之侵陵而獨裁政治時代尤甚四曰共和政治時代民國屬之預備立憲與革命運動雖起於清末然共和之成則在民國也

第一章 封建政治時代

第一節 漢族之起源

合五大民族（兼苗族言當曰六大民族）以建中華民國僅二十年耳若溯夫皇古之世國家之創造與發達以漢族爲最先亦以漢族爲極盛故言中國政治史者不得不首考夫漢族之起原漢族之來自何方古史不明論者或主萬民一祖之說而謂世界人類均分自帕米爾高原斯說而信也則漢族實爲西來矣在昔山經穆傳所謂葱嶺春山即今帕米爾諸大山其他書籍屢及崑崙而運甲開山圖言天皇氏被跡於桂州崑崙山下崑崙即今西藏之托古茲遠坂輿地家已成定論則其山下當在今新疆于闐一帶之地也（魏書於闐傳有自高昌以西諸國人等深目高鼻唯此一國貌不甚胡頗類華夏數語西人或引以爲漢族發源地在于和闐之據）要之未有文家以前荒遠無徵吾儕固不敢遽爲斷定以証其祖惟研究之餘僉以西來之說爲近似而已

第二節 漢族之初建國

地球之有人類人類之有國家其年代如何所傳固非一說要皆不過推定而已惟我漢族亦然始建國者何人（古史相傳爲盤古氏惟盤古距今若干年殊難斷定後人亦有疑盤古之時未必即有國家之創立者）距于今者何代自非妄人亦何能遽下斷語今以可信者言之漢族建國必遠在有史以前惟有史以後如黃帝者其書已爲孔子所刪而有史以前如伏羲如神農傳說雖多遠

史亦屏而不載至他書所錄類多不可爲據益無論已故居今日而言初建國之情形殊有難焉者也考漢族初興其活動之迹恒在於今中國之西北部天皇氏外地皇氏興於熊耳龍門山熊耳在今河南盧氏宜陽之間龍門山在今陝西韓城縣人皇氏起於荆馬山提地之國在今甘肅秦安縣此或可爲人種西來由陝甘而入中原之證據其後伏羲生於成紀(即今甘肅秦安縣)都陳(河南陳州)神農起於烈山(在湖北隨州北)都陳遷曲阜(山東省)崩於長沙(湖南省)黃帝生於軒轅(河南新鄭)國於有熊(即新鄭)崩於荆山之陽(河南 鄭縣南)古代帝王足迹所經多在黃河長江兩流域也大抵漢族建國之初所居恒不一定其後各地諸侯由部落而形成割據漸至固定而諸侯擁戴之天子則爲官揚威德計恒出巡于四方也

史稱黃帝自涿鹿還諸侯尊爲天子以代神農氏其爲有天子之始歟然曰以代神農則神農非天子而何大抵由部落而成國家也羣雄相峙本無一定之首長其後激於時勢之必要羣相聯合奉一有威德者居其位伏羲神農之流由此而選也然上古之世其得爲首長者或以文德或以武功其能兼有之者古史所傳惟黃帝而已蚩尤古諸侯也好兵善亂作刀戟大弩以暴虐天下兼并諸侯攻炎帝榆罔是蚩尤欲以武力爭爲中國之首長也黃帝與戰于涿鹿之野戮之而天下奉之蓋世漸進而多爭非武功不足以鎮壓昔之天子雖爲天下之首長然結合未固必俟黃帝之後震于武力而中央政府之權力乃足以凌轢諸侯而非徒稱爲共主而已此中國統一實現之始也

第三節 建國時之社會狀態

皇古之社會多由漁獵牧畜時代以進於農業時代前者生活較簡畧而易後者則漸繁雜而難故前者多無常居之地而後者則漸至固定然社會之發達恒在於生活固定之上漁獵之爲事也不如牧畜之安而全而牧畜又不如農業之安而全於是社會生活乃入於第三期焉史稱伏羲氏之時民處草野逐捕禽獸茹毛飲血帝始結網罟以教佃漁養犧牲以充庖厨蓋由漁獵時代進於牧畜時代也神農氏之時民茹草木食禽獸不知耕稼帝因天時相地宜斷木爲耜揉木爲耒教民藝五穀而農事興焉則由牧畜時代而轉於農業時代矣至於黃帝作冕旒正衣裳元妃螺祖始教民育蠶治絲繭以供衣服於是民得逸居飽食煖衣矣伏羲始制嫁娶史稱其時民男女無別帝制嫁娶以儷皮爲禮止姓氏通媒妁以重人倫之本而氏始不瀆蓋掠奪婚姻之弊使民日以爭鬪故有以矯之也自是以後書契甲歷琴瑟醫藥陳法算數器用貨幣逐漸而興則伏羲神農黃帝之功也故農國之基自神農而始立黃帝時益之以蠶桑唐虞二代而愈完備云

第四節 建國時之外敵

漢族之初興也在於黃河長江兩流域如前所述然居其南北者時挾其勢力與漢族爲難向徵黃帝則漢族之爲漢族其情形未可知也一日韋弼據史記匈奴傳唐虞以前有山戎韋弼獫狁居於北蠻史稱黃帝北逐韋弼合符釜山（在今河北省宣化保安）而邑于涿鹿之阿（亦在其地）

蓋黃帝所以營國邑于此者正爲制北狄起見蓋北地之胡猛鷲善戰自古爲吾漢族患勝之之後非於北方設重鎮以鎮壓之則恐其再來明永樂遷都于燕亦此意也黃帝更於其時畫野分州命匠營國邑則城郭之制實建立於此時也營農業生活之民不能不守固定之土地而爲防禦外侮計以城郭爲固焉是實應于時勢之必要而起者也二曰九黎相傳蚩尤爲九黎之君（據孔安國說）兄弟八十一人（龍魚河圖所說）所謂兄弟者當係九黎首領而蚩尤爲之長耳九黎之根據地今不可考大抵在今長江以南之地蓋漢族以外之人種初亦爲炎帝諸侯而叛之者史稱黃帝徵師諸侯與戰於涿鹿之野蚩尤北犯聲勢之盛可知故黃帝殺蚩尤而諸侯遂尊爲天子也（書堯典於百姓昭明協和萬邦之下加以黎民於變時雍語黎民疑爲九黎之遺民今廣東尙有黎之一種）黃帝四征不順未嘗甯居遷徙往來無常處以師兵爲營衛其爲漢族盡力也可謂至矣黃帝有鼓之曲十章一曰雷震驚二曰猛虎駭三曰鷺鳥擊四曰龍媒蹀五曰靈夔吼六曰鸚鵡爭七曰壯士奮八曰熊熊吼九曰石盪崖十曰波盪壑均雄壯絕倫此足以代表吾民族原始建國之精神矣惟謂吾民族之偏於文弱哉（舜竄三苗于三危三苗國名吳起曰三苗之國左洞庭而右彭蠡是也按三苗即今湖南溪崗諸苗其種不一故唐虞時即號三苗三危今甘肅熒煌縣南地蓋竄其首領於西邊也其後有苗弗率則爲三苗餘孽舜命禹征之三苗苗民逆命益贊于禹班師振旅舜誕敷文德七旬有苗格苗黎均居南方而肆爲不道故勞歷代帝王之征討也）

第五節 古代之氏族制度

謂國爲國家者吾國人之恒言也吾國發達之順序始於家族禮之史乘信而有徵益人類之生與動物爭存與外族競勝則合羣以自衛事之要也血族團體之結合其事最便而易故結合之第一步恒在此焉矧居於平原雜處者多血族團體愈有不得不結合之勢氏族制度之發達固當然也夫人生而有愛愛之深者莫如親之於子愛子則愛孫以及於其曾元皆願與之相依以生同居以老於是由家而成族矣（同高祖者爲族兄弟古者人多長壽恒及見其曾元故推愛子之心化家爲族觀於來孫雲孫之命名可畧窺古代家族相處之情況）族生聚而益繁支分派衍以吾國之夙重道德故同出一祖者永永結合於無窮遂以恢爲部落而進爲國家是封建之所由起也氏族之先恒爲母系蓋男體強而女體弱故男恒在外而女在內且草昧之世生男多而生女少故一女往往配數男（據生理學家之論列與實証生活簡陋之時與地其所生恒多男而少女）儼皮以前無論已儼皮以後此風當可漸革當時生子也或以其母不夫而孕或不知其父之爲誰何及子之貴遂稱引神怪以耀於人固神權時代所經見之事也許慎說文解字解姓曰人所生也古之神聖人母感天而生子故稱天子因生以爲姓从女生生亦聲春秋傳曰天子因生以賜姓段玉裁注云因生以爲姓若神農母居姜水因以爲姓黃帝母居姬水因以爲姓舜母居姚虛因以爲姓是也感天所生者母也故姓从女生會意其子孫復析爲衆姓如黃帝子二十五宗十二姓則皆因生

以爲姓也（史稱神農母曰安登有神龍之感而生神農于烈山黃帝爲少典氏之子母曰附寶見電光繞斗感而有孕是所謂感生也舜父曰瞽瞍）按許氏之說專指神聖人而言所舉三証皆屬於天子實則炎黃以前命姓大都從乎母系炎黃以後則不然矣惟論姓之起原則固母系時代之遺物也然其後因時勢之推移漸轉于父系矣（按古來姓氏之別不甚明晰史記稱黃帝姓公孫名曰軒轅二十五子其得姓者十四人注引國語胥臣之言十四人爲十二姓蓋祁已媵箴任荀嬀姑偃依二姬二西易也夏本紀稱禹爲姁姓其後分封用國爲姓故有夏后氏有扈氏有男氏斟尋氏彤城氏褒氏費氏杞氏緄氏辛氏冥氏斟戈氏殷本紀稱契爲子姓其後分封以國爲姓有殷氏來氏宋氏空桐氏稚氏北殷氏目夷氏據上所引是姓氏無所辨別可互用矣然據鄭樵通志氏族略則云三代之前姓氏分而爲二男子稱氏婦人稱姓氏所以別貴賤貴者有氏賤者有名無氏今南方諸蠻此道尙存古之諸侯諛辭多曰墜命亡氏踏其國家以明亡氏則與奪爵失國同可知其爲賤也故姓可呼爲氏氏不可呼爲姓是鄭樵關於姓氏分別之意見也附錄之以供參考）

氏族之由母系而轉爲父系也固有種種之原因第一因於經濟上之理由蓋男子之體力比女子爲健不待言也原始時代不競爭而可得食固無盡力之必要然社會漸進生存競爭日以激烈持家之事亦不易易以男子爲一家之主勢也况生活組織漸由漁獵時代牧畜時代遞進于農業時代觀于倉頡造字力田爲男則知耕爲主業蠶爲副業主業專屬之男且其時不必逐水草而轉移

則早出晚歸安居家中耕作之餘婦子司餉食之事氏族之移轉於父系殆在是時乎第二因於分業上之理由草昧之世凡百簡陋其後需用日廣職務日繁作業遂各有其適與不適於是分業行焉日用起居之事往往非合數人不爲功家庭之中有大工有小工有男工有女工而總其成者必屬於較繁難之大工而男工也子女依其父以生不至知母而不知父矣第三因於制度上之理由伏羲以前無所謂婚姻制度也伏羲制嫁娶以儷皮爲禮正姓氏通媒妁以重人倫之本而民始不瀆蓋一女止配一夫而不相瀆亂姓氏既正此家與彼家之分別始嚴於是子之屬於何人所生始得確定而父系之習慣遂以漸立矣綜上三理由則知皇古之初固已有姓惟必屬於母系至於伏羲神農黃帝之後父系漸以發達如史所記黃帝之子十二姓則皆取之父系也

氏族制既取父系家長之權遂以發達如前所說吾國由家而族則族長之權隨之而重焉蓋欲鞏固家族之組織不能不如此也族之中有宗（同高祖者爲族乃族之始也族之大固無限制也）宗有大宗有小宗小宗可以無後大宗不可以無後而大宗有收族之義焉古者天子世天下諸侯世其國大夫世其家故大宗決不可絕白虎通論宗族曰古者所以必有宗何也所以長和睦也大宗能率小宗小宗能率羣弟……故大宗所負之責任爲和睦其一族而通其有無而所享之權利爲統率其族人詩大雅曰君之宗之則知大宗有君之道焉故自下而上由少而衆皆能爲甚深之結合以禦外敵上世國家之發達蓋經此階段也（大宗爲一族之君事實上即等于後世之所

謂族長但自貴族制度崩壞後惟聚居鄉村中之大族猶有此習慣然以年輩長者爲族長不盡出于長房蓋昔之大宗今分爲族長與長房之二矣（氏族制度與封建政治之關係顧不重歟）

第六節 古代之神權政治

世界國家之起原類皆孕育於神權之下蓋人智幼稚大都崇拜自然且獮野之民不知紀律非神不足以統攝之也吾國上古亦重乎神與各國同惟有一特點在焉即歸之於人事也皆伊尹之誥太甲曰惟天無親克敬惟親民罔常懷懷于有仁鬼神無常享享于克誠天位艱哉是伊尹稱天以警王而以民爲主也武王之告羣后曰天視自我民視天聽自我民聽百姓有過在予一人是武王稱天以自誓而以民爲主也（羣書之言類此者不勝枚舉舉此以例之耳）蓋古者以神道設教非以愚民特初民政治不得不如此耳惟君權初興懼其專擅以害民往往導之以法祖敬天而敬天又歸於敬人此弼治之心法也故洪範人政祀備居一而次於食貨之後漢書郊祀志曰祀者所以昭孝事祖通神明也故孔子曰慎終追遠民德歸厚矣又曰事死如事生事亡如事存孝之至也然則祀之本意在於報本不在於求福明矣故曰非其鬼而祭之諂也至於禱祝之辭巫覡之制不過崇其儀式非真迷信鬼神試觀田畝溝洫之制農桑園圃之利歷代講之綦詳何嘗專以豐收裕產望之天祐耶至於句龍平水土而爲社祠柱栢百穀而爲稷祠則亦崇德報功之意褒其發明之美以勵後人者也要之我國上古所謂神權政治無一不歸於人事而天與神特其名焉耳

第七節 古代之傳賢

語吾國之郵治必稱唐虞語吾國之聖君必稱堯舜此非徒以孔子刪書首紀帝典遂可謂爲儒家之私尊也（儒家祖堯舜道家祖黃帝墨家祖夏禹農家祖神農）自炎黃以來傳子之局已定非待夏禹而始成所謂至於禹而德衰不傳於賢而傳於子者在唐虞傳賢之後其言如是耳史稱神農崩後傳八世凡五百二十年炎帝榆罔爲蚩尤所攻黃帝戮蚩尤諸侯尊爲天子以代炎帝黃帝崩後傳少昊少昊傳黃帝孫顓頊顓頊傳少昊孫帝嚳帝嚳傳其子摯荒淫無度諸侯廢之而尊堯爲天子是爲陶唐氏堯亦帝嚳之子也又史稱太昊（伏羲氏）崩後傳十五帝凡一千二百六十年而神農氏作所謂十五帝者首爲女媧氏舊史相傳女媧氏佐太昊正婚姻以重萬民之判是爲神媒蓋女子而帝者也十五帝史不詳其爲伏羲子孫則上世之大位不傳子明矣故曰傳子之局至炎黃而後定也

炎帝之祚五百二十年黃帝之祚至摯而止凡三百四十一年堯在位亦一百年則傳子之制行之亦將千載矣人情誰不受其子誰不欲私其位自非特殊之人乘特殊之識爲特別之行疇能創禪讓之局者故知堯者不可不謂之不世出之聖人也孔子之贊堯曰大哉堯之爲君也巍巍乎唯天爲大唯堯則之蕩蕩乎民無能名焉巍巍乎其有成功也煥乎其有文章可謂推崇之至矣小戴記禮運篇記孔子之贊唐虞曰大道之行也天下爲公選賢與能講信修睦故人不獨親其親不獨子

其子使老有所終壯其所用幼有所長矜寡孤獨廢疾者皆有所養男有分女有歸皆惡其棄於地
也不必藏於己力惡其不出於身也不必爲己是故謀閉而不興盜竄禮賊而不作故外戶而不閉
是謂大同（以下論小康以禹湯文武周公爲君子之時代當之）蓋有時非獨讓天下與布
衣之舜足以表顯大同之精神已也治道之隆可想見焉

四岳者四方諸侯之長也堯以子丹朱不肖欲擇賢者授之天下先以讓之四岳而四岳舉舜據尙
書帝典載帝曰咨四岳朕在位七十載汝能庸命巽朕位岳曰否德忝帝位曰明明揚側陋錫帝
曰有鰥在下曰虞舜帝曰兪予聞如何岳曰瞽子父頑母嚚傲克諧以孝蒸蒸乂不格姦帝曰我
其試哉女于時觀厥刑于二女釐降二女于媯納嬪十虞帝曰欽哉……慎徽五典五典克脩
于曰撥百揆時敘賓于四門四門穆穆納于大麓風雷雨弗迷（言堯歷試舜以事）帝曰格汝
舜詢事考言乃言底可蠻三載汝陟帝位舜讓于德弗嗣止月上日受終于文祖（叙舜受命攝位
之事）蓋雖有四岳之舉然必歷試以事而後使之攝政堯崩乃即大位其慎重如此此固非徒欲
擅禪讓之美名已也故舜之於禹亦俟其治水成功而後使之攝位孟軻論舜事曰舜相堯二十有
八載非人之所能爲也天也堯崩三年之喪畢舜避堯之子於南河之南天下諸侯朝觀者不之堯
之子而之舜謳歌者不謳歌堯之子而謳歌舜故曰天也夫然後之中國踐天子位焉而居堯之宮
逼堯之子是篡也非天與也觀孟軻此言可知當時對於堯舜禪讓之事傳聞頗有異辭故辭以闢